

**LJEKARSKA/LIJEČNIČKA KOMORA  
FEDERACIJE BOSNE I HERCEGOVINE**

**S T A T U T**

**LJEKARSKE/LIJEČNIČKE KOMORE  
FEDERACIJE BOSNE I HERCEGOVINE**

*Prečišćeni tekst*

Sarajevo, 15.11.2025. godine

*Na osnovu člana 223. stav 1. Zakona o zdravstvenoj zaštiti ("Službene novine Federacije BiH", broj 46/10 i 75/13) Ljekarska/Liječnička komora Federacije Bosne i Hercegovine na Skupštini održanoj dana 15.11.2025. godine, donijela je Odluku o izmjenama i dopunama Statuta Ljekarske/Liječničke komore F BiH br. 1-120/25 od 15.11.2025. godine (usvojen 14.04.2012. godine, sa izmjenama i dopunama od 22.04.2017. godine, 27.04.2019. godine, 10.10.2020. godine, 16.10.2021. godine, 11.11.2022. godine, br. 01-215/23 od 02.12.2023. godine, br. 01-144/24 od 27.05.2024. godine i br. 01-191/24, novembar 2024. godine), čiji prečišćeni tekst sad glasi:*

## STATUT

### LJEKARSKE/LIJEČNIČKE KOMORE FEDERACIJE BOSNE I HERCEGOVINE

#### I OPŠTE ODREDBE

##### Član 1.

Ljekarska/Liječnička komora Federacije Bosne i Hercegovine (u daljem tekstu: Komora) je strukovno udruženje doktora medicine, članova kantonalnih/županijskih ljekarskih/liječničkih komora koje djeluju na području Federacije Bosne i Hercegovine (u daljem tekstu: Članice), koji su, radi očuvanja i zaštite interesa svoje profesije, zadovoljavanja stručnih i ličnih interesa, osiguravanja uslova za organizovan nastup zdravstvenih radnika istih profesionalnih grupa, kao i zaštite zdravlja građana, Odlukom o osnivanju donesenom na osnivačkoj Skupštini u Zenici dana 14.01.2012. godine osnovali ovu Komoru.

Članice iz Stava 1. ovog člana su:

Liječnička komora Unsko – Sanskog kantona Bihać  
Ljekarska/Liječnička komora Kantona Sarajevo  
Ljekarska komora Bosansko – podrinjskog kantona Goražde  
Ljekarska komora Tuzlanskog kantona Tuzla  
Ljekarska komora Zeničko – dobojskog kantona  
Ljekarska/Liječnička komora Srednjobosanskog kantona/Županije Srednja Bosna  
Ljekarska  
Liječnička komora Županije Posavske – Posavskog kantona Orašje III br.4

##### Član 2.

Ovim Statutom utvrđuje se:

- osnivanje, djelokrug i organizacija rada
- naziv i sjedište,
- ciljevi i djelatnosti,
- zastupanje i predstavljanje,
- nadležnosti Federalne komore, te način njenog finansiranja,
- organi, njihove nadležnosti, način imenovanja i opoziva, trajanje mandata, kvorum i pravila glasanja, sukob interesa,
- oblik i sadržaj pečata,
- oblik i sadržaj znaka,
- sadržaj, rokovi i način stručnog usavršavanja članova kantonalnih komora u skladu sa zajedničkim sadržajem stručnog usavršavanja utvrđenog od ove Komore,

- postupak izdavanja, obnavljanja i oduzimanja licence, dobnu granicu do koje se licenca obnavlja, uvjete pod kojima se razmatra obnavljanje odobrenja, te obavezu podnošenja izvještaja nadležnom ministru zdravstva ukoliko kandidat ne udovolji uvjetima za obnavljanje dozvole, kao i pravila postupanja u vezi sa navedenim u skladu sa zajedničkim kriterijima licenciranja utvrđenim od ove Komore,
- način vođenja registra licenciranih članova kantonalnih komora u skladu sa aktom ove Komore kojim se utvrđuje sadržaj i izgled registra,
- granice, način i druga pitanja vezana uz ostvarenje javnih ovlaštenja iz člana 221. Zakona,
- razrada načina obavljanja ostalih poslova utvrđenih čl. 221. i 222. Zakona,
- uvjeti i način učlanjenja, prestanak članstva, prava i odgovornosti članova,
- imovina,
- javnost rada,
- saradnja sa drugim udruženjima, organizacijama i ustanovama,
- raspodjela imovine u slučaju prestanka rada.

## II NAZIV I SJEDIŠTE

### Član 3.

Naziv komore glasi: **Ljekarska/Liječnička komora Federacije Bosne i Hercegovine**.  
Skraćeni naziv glasi: **LJKFBiH**.

Za komunikaciju u međunarodnom pravnom saobraćaju Komora koristi naziv na engleskom jeziku koji glasi: **Medical Chamber of Federation of Bosnia and Herzegovina**.

### Član 4.

Administrativno sjedište Ljekarske/Liječničke komore F BiH se nalazi u Sarajevu, u ulici *Sprečanska br.5/III. Lamela C, Malta*.

Komora može osnovati privredne i druge subjekte za obavljanje djelatnosti koje su neposredno povezane sa ostvarivanjem osnovnih statutarne ciljeva Komore.

### Član 5.

Komora djeluje na području Federacije Bosne i Hercegovine.

### Član 6.

Komora ima status pravnog lica i upisuje se u registar nadležnog Suda.

Komora u pravnom prometu sa trećim licima istupa samostalno i neograničeno u svoje ime i za svoj račun.

U pravnom prometu sa trećim licima Komora za svoje obaveze odgovara svim svojim sredstvima.

Za obaveze Federalne Komore ne odgovaraju Članice, k/ž Komore.

## III CILJEVI

### Član 7.

Ciljevi osnivanja i djelovanja Komore su:

- jedinstveno nastupanje prema nadležnim federalnim organima i institucijama iz oblasti zdravstva i zdravstvene zaštite, kao i evropskim i svjetskim zdravstvenim

organizacijama te uspostavljanje trajnog dijaloga i poboljšanja sistema zdravstvene zaštite i djelovanja ljekarskih/liječničkih komora u Federaciji Bosne i Hercegovine i usklađivanje sa evropskim standardima djelovanja;

- uvođenje jedinstvenih i jednoobraznih standarda djelovanja te primjena najboljih praksi na temeljima najviših etičkih, profesionalnih i tehničkih standarda ljekarske/liječničke struke radi zaštite i unapređenja interesa ljekara; kao i stvaranje uslova za organizovanje ljekarske/liječničke komore na nivou Bosne i Hercegovine i pristupanje evropskim i svjetskim zdravstvenim organizacijama.

#### IV NADLEŽNOSTI KOMORE

##### Član 8.

*Komora ima slijedeće nadležnosti:*

- utvrđuje zajedničke kriterije za licenciranje članova kantonalnih/županijskih komora;
- **vrši poslove izdavanja,obnavljanja,oduzimanja, ukidanja i poništavanja licenci ljekarima/liječnicima;**
- utvrđuje sadržaj i izgled Registra licenciranih članova komore za federalnu i kantonalnu/županijsku komoru;
- koordinira rad postojećih kantonalnih/županijskih komora, usklađuje i unificira postojeće akte kantonalnih/županijskih komora u cilju lakše komunikacije između istih, a u cilju dobrobiti za sve ljekare/liječnike Federacije BiH;
- učestvuje u rješavanju i arbitriranju eventualnih problema između postojećih kantonalnih/županijskih komora;
- vodi jedinstven registar licenciranih članova kantonalnih/županijskih komora;
- utvrđuje zajednički sadržaj stručnog usavršavanja, rokove i postupak provjere stručnosti koje je ljekar ostvario u toku stručnog usavršavanja;
- *utvrđuje način i uslove za upravljanje novom zdravstvenom tehnologijom donošenjem Pravilnika o načinu i postupku za dodjeljivanje mišljenja za uvođenje novih procedura od strane Federalnih zdravstvenih ustanova i privatne prakse;*
- obavlja i druge poslove i zadatke, koji joj budu dati ovim Statutom Komore.

##### Član 9.

Pored nadležnosti iz člana 8. ovog Statuta Komora u ostvarivanju svojih ciljeva, obavlja slijedeće djelatnosti:

- daje stručno mišljenje na propise od uticaja na razvoj zdravstvene struke;
- prati razvoj Kodeksa medicinske etike i deontologije, dok kantonalne/županijske komore prate i nadziru njegovo provođenje te preduzimaju odgovarajuće mjere u slučaju njihovog kršenja;
- *daje mišljenje federalnom ministru zdravlja (odnosno kantonalnom ministru kod kant./žup. komora) o opravdanosti izdavanja, (kod k/ž komora produženja ili oduzimanja odobrenja za obavljanje poslova privatne prakse,) te početka, proširenja, promjene i prestanka rada zdravstvenih ustanova na nivou Federacije sa pozicije i očuvanja profesije koju zastupa, uz predhodno mišljenje Ljekarske-Liječničke komore FBiH;*
- saraduje sa Federalnim ministarstvom zdravstva i drugim organizacijama iz oblasti zdravstva, inspekcijama, zavodima zdravstvenog osiguranja na nivou Federacije, udruženjima zdravstvenih radnika, kao i komorama iz oblasti zdravstva Republike Srpske i Distrikta Brčko, te sličnim asocijacijama u zemlji i inostranstvu;

- *utvrđuje uslove i način reklamiranja zdravstvenih usluga na nivou Federacije BiH, donošenjem Pravilnika o načinu i postupku reklamiranja zdravstvenih usluga, OTC preparata i usluga;*
- koordinira i usaglašava stavove kantonalnih komora, te obavlja i druge poslove koji su od interesa za njene članove;
- obavlja i druge djelatnosti koje su neposredno u funkciji ostvarivanja statutarne ciljeva Komore u skladu sa Zakonom i ovim Statutom.

## V ZASTUPANJE I PREDSTAVLJANJE

### Član 10.

Komora ima jednog predsjednika i *jednog* podpredsjednika (*zamjenika*) koji su iz različitih Članica.

Komoru predstavlja i zastupa predsjednik Komore, a u njegovom odsustvu i po ovlaštenju predsjednika Komore, *zamjenik* predsjednika Komore.

Predsjednik Komore može dati pismenu punomoć drugoj stručnoj osobi za zastupanje Komore u pojedinim poslovima ili postupcima, pri čemu je dužan odrediti sadržaj, obim i trajanje ovlaštenja za zastupanje.

## VI ORGANI KOMORE

### Član 11.

Organi Komore su:

- Skupština
- Upravni odbor
- Nadzorni odbor
- Predsjednik i zamjenik predsjednika Komore
- Predsjednik i zamjenik predsjednika Skupštine Komore
- Komisija za koordinaciju edukacije
- Komisija za međunarodnu saradnju
- Komisija za lijekove
- Komisija za postupak verifikacije i certifikacije zdravstvenih ustanova i zdravstvenih radnika
- Sud LJ/LKFBiH
- Tužilac Komore

### Skupština

### Član 12.

Skupština je najviši organ Komore.

Skupštinu čine delegati svake članice – kantonalne/županijske komore sa jednakim pravom na jedan glas, koje u slučaju njihove odsutnosti mijenjaju zamjenici.

Delegati se biraju na mandat od 4 godine sa neograničenim brojem mandata.

Ukoliko imenovanom delegatu, odnosno zamjeniku prestane članstvo u ljekarskoj/liječničkoj komori kantona/županije ispred koje je imenovan, ista je dužna delegirati drugog.

Broj delegata u Skupštini Federalne komore, za jedan mandatni period, zavisi od broja registrovanih aktivnih članova (aktivni članovi: članovi koji su u radnom odnosu, imaju važeću licencu i uredno izmiruju članarinu) svake kantonalne komore (članice) na dan 31.12. prethodne godine, koje predlažu delegate po principu:

- za članice koje broje do 500 članova: 3 delegata
- za članice koje broje od 501-750 članova: 5 delegata
- za članice koje broje od 751-1000 članova: 6 delegata
- za članice koje broje od 1001-1250 članova – 8 delegata
- za članice koje broje od 1251-1500 članova – 9 delegata
- za članice koje broje od 1501 – 1750 članova – 11 delegata
- za članice koje broje od 1751 – 2000 članova – 12 delegata
- za članice koje broje preko 2000 – 15 delegata.

### Član 13.

Skupština ima slijedeće nadležnosti:

- donosi Statut, te izmjene i dopune Statuta;
- donosi Poslovnik o radu Skupštine;
- donosi Pravilnik o izboru i opozivu organa Komore;
- donosi Pravilnik o finansijskom poslovanju Komore;
- donosi Poslovnik o radu *Upravnog* odbora Komore;
- donosi Pravilnik o radu Nadzornog odbora;
- bira i razrješava i predsjednika i *zamjenika* predsjednika Komore;
- verifikuje predsjednike i članove stalnih Komisija Komore koje predlaže *Upravni* odbor;
- donosi odluke o sklapanju poslova čija vrijednost prelazi iznos 50.000,00 KM;
- daje saglasnost na pravne radnje poduzete u postupku osnivanja Komore;
- donosi Odluku o promjeni naziva i sjedišta Komore;
- verifikuje članove *Upravnog* odbora predložene od kantonalnih/županijskih komora;
- verifikuje članove Nadzornog odbora predložene od kantonalnih/županijskih komora;
- bira i opoziva predsjednika i zamjenika predsjednika Skupštine;
- imenuje i razrješava lica ovlaštena za zastupanje i predstavljanje;
- razmatra i usvaja godišnji Program rada i Finansijski plan, na prijedlog *Upravnog* odbora;
- razmatra i usvaja, najmanje jednom godišnje Izvještaj o radu i finansijskom poslovanju, kao i Izvještaj o radu Nadzornog odbora;
- daje smjernice za rad drugim organima Komore po svim pitanjima od značaja za rad organa radi uspješnog ostvarivanja statutarnih ciljeva i obavljanja utvrđene djelatnosti;
- *ranija tačka 19. se briše*
- utvrđuje iznos i način plaćanja članarine na prijedlog *Upravnog* odbora;
- odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Komore;
- odlučuje o raspodjeli imovine Komore za slučaj njenog prestanka;
- odlučuje o svim drugim pitanjima koja nisu u nadležnosti drugog organa u skladu sa Zakonom i Statutom.

#### Član 14.

Skupština radi u sjednicama koje se održavaju prema potrebi, a najmanje jednom godišnje. Svake četvrte godine održava se sjednica Izborne Skupštine Komore.

#### Član 15.

Skupština može početi sa radom i donositi punovažne odluke ukoliko ima kvorum, odnosno, ukoliko sjednici prisustvuje natpolovična većina (50%+1) ukupnog broja delegata.

Ukoliko u zakazano vrijeme početka sjednice Skupštine nije postignut kvorum iz stava 1. ovog člana, sjednica sa istim dnevnim redom zakazuje se u roku od 15 dana, o čemu se pismeno izvještavaju.

Odluke o usvajanju, izmjeni i dopuni Statuta, izboru i razrješenju predsjednika Komore i iznosu godišnje članarine donose se dvotrećinskom (2/3) većinom prisutnih delegata Skupštine.

#### Član 16.

Predsjednika i zamjenika predsjednika Skupštine iz svog sastava bira i svojom odlukom imenuje Skupština na period od četiri godine, uz mogućnost ponovnog izbora istih osoba za najviše još jedan mandat.

Prijedlog za predsjednika i zamjenike Skupštine daju članovi Skupštine.

Skupština Komore bira predsjednika Skupštine dvotrećinskom (2/3) većinom prisutnih delegata.

Ukoliko u prvom krugu glasanja niko od kandidata ne dobije dovoljan broj glasova, izbor se ponavlja sa dva kandidata koji su dobili najveći broj glasova.

U drugom krugu izabran je onaj kandidat koji ima većinu glasova.

Zamjenika predsjednika Skupštine komore bira Skupština prostom većinom.

Delegati iz stava 1. ovog člana moraju biti predstavnici različitih članica.

#### Član 17.

Predsjednik Skupštine:

- saziva sjednice Skupštine,
- rukovodi radom Skupštine,
- sudjeluje u pripremi materijala za sjednicu Skupštine,
- stara se o provođenju odluka i zaključaka Skupštine,
- obavlja i druge poslove u skladu sa Zakonom, Statutom i drugim aktima Komore.

Predsjednika Skupštine u slučaju spriječenosti ili odsutnosti mijenja zamjenik predsjednika Skupštine, sa svim pravima i ovlaštenjima predsjednika Skupštine.

#### Član 18.

Predsjedniku Skupštine prestaje mandat:

- podnošenjem ostavke;
- istekom mandata;
- prestankom članstva u kantonalnoj/županijskoj ljekarskoj/liječničkoj komori iz koje je delegiran;
- opozivom od strane kantonalne/županijske ljekarske/liječničke komore ispred koje je delegiran;

- ako tri puta neopravdano ne prisustvuje sjednici Skupštine opozivom od strane Skupštine,
- ako ne izvršava uredno i savjesno povjerene dužnosti i odgovornosti ili na drugi način ugrožava ugled i ciljeve Komore,
- u drugim slučajevima propisanim Zakonom i ovim Statutom.

Razrješenje predsjednika Skupštine, iz razloga navedenih u stavu 1. ovog člana, vrši Skupština.

#### **Član 19.**

Predsjednik Skupštine je dužan sazvati Skupštinu na obrazloženi pisani zahtjev:

- *Upravnog* odbora,
- Nadzornog odbora ili
- 1/3 delegata Skupštine.

U slučaju da predsjednik Skupštine ne sazove Skupštinu u roku od 30 dana od dana prijema zahtjeva iz stava 1. ovog člana, ovlašteni za sazivanje Skupštine su potpredsjednik Skupštine, a ukoliko on to ne učini, najstariji delegat Skupštine.

Osoba ovlaštena za saziv Skupštine će utvrditi prijedlog dnevnog reda i predsjedavati radom Skupštine.

#### **Član 20.**

Predsjednik i zamjenik predsjednika Skupštine za svoj rad odgovaraju Skupštini.

#### **Član 21.**

Bliže odredbe o načinu rada, glasanju, odlučivanju, sazivanju sjednice, vođenju zapisnika i drugim pitanjima od značaja za rad Skupštine regulišu se Poslovníkom o radu Skupštine.

### **Upravni odbor**

#### **Član 22.**

*Upravni* odbor je izvršni organ koji rukovodi radom i poslovanjem Komore u periodu između 2 Skupštine.

#### **Član 23.**

*Upravni* odbor ima slijedeće nadležnosti:

- organizuje, rukovodi radom i poslovanjem Komore i obezbjeđuje vršenje svih poslova iz okvira djelanosti Komore;
- učestvuje u pripremi sjednice Skupštine;
- priprema i predlaže nacrt izmjena i dopuna Statuta i drugih općih akata koje donosi Skupština;
- imenuje i razrješava predsjednike i članove stalnih i privremenih Komisija Komore;
- podnosi Skupštini izvještaj o svom radu;
- donosi akte o finansijskom poslovanju, kao i druge pravilnike potrebne za rad Komore te njihove izmjene i dopune;
- učestvuje u radu Skupštine bez prava odlučivanja;
- provodi politiku, zaključke i druge odluke Skupštine;
- upravlja imovinom Komore;
- vodi finansijsko poslovanje i upravlja sredstvima Komore s pravom da odlučuje o pravnim poslovima u vrijednosti do 50.000KM;

- organizuje izdavanje lista Komore i imenuje i glavnog i odgovornog urednika lista te članove uredničkog odbora;
- podnosi Skupštini godišnje i periodične izvještaje radu i poslovanju Komore;
- predlaže Skupštini iznos i način uplate članarine;
- stara se o redovnom i potpunom informisanju Članica i Članstva o radu Komore i njenih organa, kao i javnosti;
- odlučuje o saradnji sa drugim srodnim udruženjima i društvima, organizacijama i ustanovama u zemlji i inostranstvu;
- odlučuje o angažovanju uposlenika i saradnika za potrebe rada organa Komore;
- vrši i druge poslove u skladu sa Zakonima, Statutom i drugim aktima Komore.

*Odluka Upravnog odbora je konačna.*

#### **Član 24.**

Predsjednika i zamjenika predsjednika *Upravnog* odbora biraju između sebe članovi *Upravnog* odbora na prvoj konstituirajućoj sjednici *Upravnog* odbora.

*Upravni* odbor u cjelini i svaki član posebno za svoj rad odgovara Skupštini.

Predsjednik, a u njegovoj odsutnosti zamjenik predsjednika *Upravnog* odbora:

- saziva i predsjedava sjednicama *Upravnog* odbora,
- predlaže Dnevni red sjednica *Upravnog* odbora u saradnji sa predsjednikom Komore,
- daje prijedloge Pravilnika i njihovih izmjena i dopuna, kao i prijedloge drugih akata za čije je donošenje nadležan *Upravni* odbor,
- sprovodi odluke, zaključke i smjernice *Upravnog* odbora, kao i one koje mu povjeri Skupština,
- potpisuje akte koje donosi *Upravni* odbor,
- vrši druge poslove za koje je ovlašten Statutom i drugim aktima Komore i koje mu povjeri Skupština i *Upravni* odbor.

#### **Član 25.**

*Upravni* odbor čine po jedan predstavnik Članice Komore koja broji do 1000 članova i po dva predstavnika Članice Komore koja broji preko 1000 članova.

Mandat članova *Upravnog* odbora traje četiri godine, uz mogućnost ponovnog izbora iste osobe za člana *Upravnog* odbora za najviše još jedan mandat.

Svaka članica Komore je dužna da iz reda svog članstva delegira predstavnika/predstavnike za člana/članove *Upravnog* odbora.

*Upravni* odbor čine predsjednici kantonalnih komora, a o svakom narednom članu odlučuje Skupština kantonalne komore (podpredsjednik komore, delegat, član UO).

Skupština vrši imenovanje delegiranih predstavnika u *Upravni* odbor.

Za člana *Upravnog* odbora ne može biti delegiran predstavnik Skupštine niti član Nadzornog odbora.

#### **Član 26.**

Članu *Upravnog* odbora mandat prestaje:

- istekom mandata, ako ne bude ponovo imenovan na istu funkciju,
- podnošenjem ostavke,
- prestankom članstva u kantonalnoj/županijskoj ljekarskoj/liječničkoj komori iz koja je delegiran,

- opozivom od strane kantonalne/županijske ljekarske/liječničke komore ispred koje je delegiran,
- ako tri puta neopravdano ne prisustvuje sjednici Izvršnog odbora,
- ako ne izvršava uredno, savjesno i zakonito povjerene dužnosti i odgovornosti ili na drugi način ugrožava ugled i ciljeve Komore,
- u drugim slučajevima propisanim Zakonom i ovom Statutom.

Razrješenje člana *Upravnog* odbora iz razloga navedenih u stavu 1. ovog člana vrši Skupština.

#### **Član 27.**

U slučaju prijevremenog razrješenja člana *Upravnog* odbora, Skupština, po prijedlogu komore čiji je član *Upravnog* odbora prijevremeno razriješen, imenuje novog člana *Upravnog* odbora, do isteka mandata *Upravnog* odbora u čiji sastav je imenovan.

Član *Upravnog* odbora koji podnese ostavku dužan je obavljati svoju dužnost do donošenja odluke o razrješenju.

#### **Član 28.**

*Upravni* odbor radi i odlučuje na sjednicama koje se održavaju prema potrebi.

*Upravni* odbor može početi sa radom i donositi punovažne odluke ukoliko ima kvorum, odnosno, ukoliko sjednici prisustvuje natpolovična većina (50%+1) ukupnog broja članova *Upravnog* odbora.

*Upravni* odbor odluke donosi većinom glasova prisutnog broja članova *Upravnog* odbora.

#### **Član 29.**

*Sjednice Upravnog odbora saziva predsjednik Komore uz saglasnost predsjednika Upravnog odbora, a ukoliko saglasnost izostane u roku od 15 dana, predsjednik Komore saziva istu i bez saglasnosti.*

*Stav 2. i 3. se brišu.*

#### **Član 30.**

Bliže odredbe o načinu rada, glasanju, odlučivanju, sazivanju sjednice, vođenju zapisnika i drugim pitanjima od značaja za rad *Upravnog* odbora regulišu se Poslovníkom o radu *Upravnog* odbora.

### **Predsjednik i zamjenici predsjednika Komore**

#### **Član 31.**

Predsjednik Komore:

- predstavlja i zastupa Komoru,
- potpisuje odluke i druge akte Komore;
- zaključuje poslove do vrijednosti 5.000,00 KM, a preko tog iznosa mora dobiti saglasnost *Upravnog* odbora;
- učestvuje u radu *Upravnog* odbora, daje prijedloge i sugestije, ali nema pravo odlučivanja u radu *Upravnog* odbora,
- daje prijedloge pravilnika i njihovih izmjena i dopuna, kao i prijedloge drugih akata za čije je donošenje nadležan *Upravni* odbor i Skupština komore,
- sprovodi odluke, zaključke i smjernice *Upravnog* odbora, kao i one koje mu povjeri Skupština,
- saziva sjednice *Upravnog* odbora uz saglasnost predsjednika *Upravnog* odbora, a ukoliko saglasnost izostane u roku od 15 dana, predsjednik Komore saziva istu i bez saglasnosti;

- vrši druge poslove za koje je ovlašten Statutom i drugim aktima komore i koje mu povjeri Skupština i *Upravni* odbor;

*Stav 2. i 3 se brišu.*

### **Član 32.**

Skupština Komore bira predsjednika Komore dvotrećinskom (2/3) većinom prisustnih delegata na period od četiri godine, uz mogućnost ponovnog izbora iste osobe za najviše još jedan mandat.

Ukoliko u prvom krugu glasanja niko od kandidata ne dobije dovoljan broj glasova, izbor se ponavlja sa dva kandidata koji su dobili najveći broj glasova.

U drugom krugu izabran je onaj kandidat koji ima većinu glasova.

*Zamjenika* predsjednika Komore bira Skupština na isti način kao u prethodnom stavu.

*Zamjenika* predsjednika Komore imenuje Skupština na prijedlog predsjednika Komore.

### **Član 33.**

Predsjednika Komore u slučaju njegove spriječenosti ili odsutnosti i prema njegovom ovlaštenju *mijenja zamjenik* predsjednika Komore, sa svim pravima i ovlaštenjima predsjednika Komore.

Predsjednik i zamjenik predsjednika mogu obavljati svoje poslove prema ugovoru o radu s punim radnim vremenom ili dijelom radnog vremena ili uz određenu naknadu definisanu Odlukom *Upravnog* odbora.

### **Član 34.**

Predsjednik Komore za svoj rad odgovara *Upravnom* odboru i Skupštini.

## **Nadzorni odbor**

### **Član 35.**

Kontrolu nad radom Komore vrši Nadzorni odbor.

Nadležnosti Nadzornog odbora su:

- donosi Poslovnik o radu Nadzornog odbora,
- analizira izvještaje o radu Komore,
- vrši kontrolu materijalno-financijskog poslovanja i korištenja sredstava Komore i zakonitost akata Komore,
- izvještava Skupštinu o rezultatima nadzora po potrebi, a najmanje jednom godišnje za prethodnu godinu,
- obavlja i druge poslove koje mu povjeri Skupština.

Nadzorni odbor za svoj rad odgovara Skupštini.

### **Član 36.**

Nadzorni odbor čini po jedan predstavnik svake članice Komore.

Predsjednika i zamjenike predsjednika Nadzornog odbora biraju članovi Nadzornog odbora na prvom konstituirajućoj sjednici.

Predsjednik zakazuje sjednice Nadzornog odbora.

Mandat članova Nadzornog odbora traje četiri godine, uz mogućnost ponovnog izbora iste osobe za člana Nadzornog odbora za najviše još jedan mandat.

**Član 37.**

Svaka članica Komore dužna je iz reda svog članstva delegirati jednog predstavnika za člana Nadzornog odbora.

Za člana Nadzornog odbora ne može biti delegiran delegat Skupštine niti član *Upravnog* odbora.

Skupština bira Nadzorni odbor.

Nadzorni odbor iz reda imenovanih članova bira predsjednika i zamjenika predsjednika Nadzornog odbora.

**Član 38.**

Članu Nadzornog odbora mandat prestaje:

- istekom mandata, ako ne bude ponovo imenovan na istu funkciju,
- podnošenjem ostavke,
- prestankom članstva u kantonalnoj ljekarskoj komori iz koja je delegiran,
- opozivom od strane kantonalne ljekarske komori ispred koje je delegiran,
- ako tri puta neopravdano ne prisustvuje sjednici Nadzornog odbora,
- ako ne izvršava uredno, savjesno i zakonito povjerene dužnosti i odgovornosti ili na drugi način ugrožava ugled i ciljeve komore,
- i u drugim slučajevima propisanim zakonom i ovom statutom.

Razrješenje člana Nadzornog odbora, iz razloga navedenih u stavu 1. ovog člana vrši Skupština, na način i u postupku, kako je i izabran.

**Član 39.**

U slučaju prijevremenog razrješenja člana Nadzornog odbora, članica iz čijeg reda je razrješeni član dužna je delegirati novog predstavnika u Nadzorni odbor.

Skupština imenuje novog člana za preostali period do isteka mandata Nadzornog odbora u čiji sastav je imenovan.

Član Nadzornog odbora koji podnese ostavku dužan je obavljati svoju dužnosti do donošenja odluke o razrješenju.

**Član 40.**

Nadzorni odbor radi i odlučuje na sjednicama koje se održavaju prema potrebi, a najmanje jednom godišnje, u pravilu prije podnošenja izvještaja o radu *Upravnog* odbora na usvajanje Skupštini.

**Član 41.**

Nadzorni odbor punovažno odlučuje ako sjednici prisustvuje predsjednik i većina članova Nadzornog odbora.

Nadzorni odbor donosi odluke većinom glasova prisutnih članova.

**Član 42.**

Nadzorni odbor ima pravo zahtijevati sve podatke o poslovanju Komore, te izvršiti uvid u poslovne knjige i drugu dokumentaciju Komore.

*Upravni* odbor dužan je omogućiti uvid u zatraženu dokumentaciju i podatke i dati tražene obavještenja i pojašnjenja.

**Član 43.**

Bliže odredbe o načinu rada, glasanju, odlučivanju, sazivanju sjednice, vođenju zapisnika i drugim pitanjima od značaja za rad Nadzornog odbora regulišu se Poslovníkom o radu Nadzornog odbora.

**Zapisnici****Član 44.**

Na sastancima organa Komore i njegovih Komisija obavezno se sačinjavaju zapisnici. Zapisnici moraju biti istiniti i moraju tačno održavati bitan tok rada i suštinu svih donijetih odluka i stavova i moraju biti potpisani od strane predsjednika organa, odnosno komisije i zapisničara.

**Komisije****Član 45.**

U svrhu ostvarivanja statutarnih ciljeva i provođenja djelatnosti Komore, a u skladu sa utvrđenim potrebama ili zajedničkim interesom članica, *Upravni* odbor svojom odlukom može formirati stalne ili privremene komisije.

Odlukom o formiranju komisija utvrđuje se sastav i djelokrug rada komisija, kao i vrijeme (mandat) na koje se imenuje komisija.

*Komisije komore su:*

*-Komisija za koordinaciju edukacije*

*-Komisija za međunarodnu saradnju*

*-Komisija za lijekove*

*-Komisija za postupak verifikacije i certifikacije zdravstvenih ustanova i zdravstvenih radnika.*

**Član 46.**

*Briše se.*

**Član 47.**

Komisija za koordinaciju edukacije obavlja slijedeće poslove:

- organizuje u saradnji sa medicinskim fakultetima, te stručno-medicinskim društvima dodatno usavršavanje za proširenje djelatnosti unutar struke, uzimajući u obzir nove dijagnostičko-terapijske metode, te trajno obrazovanje svojih članova;
- prati način obavljanja pripravničkog i specijalističkog staža liječnika, kao i njihovo permanentno stručno usavršavanje, te predlaže mjere za njihovo unapređenje;
- propisuje uvjete stručnog usavršavanja liječnika i koordinira stručno usavršavanje članova Komore / sudjelovanje na kursovima za obnavljanje znanja, sudjelovanje na stručnim i naučnim sastancima, kongresima i simpozijima, objavljivanje stručnih i naučnih radova i sl.
- predlaže način obavljanja stručnih ispita liječnika;
- koordinira svoj rad s ostalim organima Komore;
- obavlja i druge poslove određene Statutom ili aktima Komore.

**Član 48.**

*Briše se.*

### Član 49.

Komisija za međunarodnu saradnju obavlja sljedeće poslove:

- kontinuirano radi na uspostavljanju međunarodne saradnje sa ljekarskim/liječničkim komorama drugih država, istovjetnim i/ili sličnim udruženjima, centrima za kontrolu bolesti (CDC, ECDC i dr.), sa pojedinačnim eminentnim stručnjacima iz oblasti medicine, medicinskim časopisima, raznim zdravstvenim asocijacijama, zdravstvenim strukovnim udruženjima, organima uprave i inspekcije, organima zakonodavne i izvršne vlasti, nevladinim organizacijama, farmaceutskim tvrtkama, proizvođačima medicinske opreme i sa drugim pravnim osobama kao potencijalnim donatorima Komori;
- vođenje registra u elektroničkom i pisanom obliku o uspostavljenim kontaktima Komore na međunarodnoj razini;
- učešće predstavnika Komore na međunarodnim skupovima u domenu rada Komore;
- uspostavljanje međunarodne saradnje sa ciljem omogućavanja članovima Komore edukacije u inozemstvu kroz stimulaciju i/ili donaciju Komori;
- uspostavljanje međunarodne saradnje sa ciljem mogućnosti aplikacije radova članova Komore u međunarodnim medicinskim časopisima;
- uspostavljanje međunarodne saradnje sa ciljem privremene razmjene stručnjaka iz različitih oblasti medicine;
- uspostavljanje međunarodne saradnje sa ciljem pomoći stručnjaka iz BiH iz različitih oblasti medicine liječničkim/ljekarskim komorama i zdravstvenim ustanovama drugih država kako u redovitim tako i u izvanrednim stanjima u tim državama;
- uspostavljanje međunarodne saradnje sa ciljem usvajanja i implementacije zakonske regulative iz oblasti međunarodnih zdravstvenih propisa (IHR-International Health Regulations).

### Član 50.

*Briše se.*

### Član 51.

Komisija za lijekove obavlja sljedeće poslove:

- promovira individualni i institucionalni integritet ljekarske profesije u farmakoterapijskom sektoru;
- predlaže i usklađuje domaće zakonske propise iz oblasti lijekova sa propisima Evropske unije i rezolucijama, smjernicama, deklaracijama i stavovima relevantnih međunarodnih institucija/organizacija;
- striktno i dosljedno prati, provodi i unapređuje visoke profesionalne standarde, dosljedno sprovodi važeće međunarodne etičke norme, deklaracije i izjave iz domena rada Komisije, isključivo na dobrobit pacijenta i časne ljekarske/liječničke profesije;
- razmatra, predlaže i daje mišljenje Federalnom ministru zdravstva o listi lijekova i terapijskim smjernicama na osnovu medicine zasnovane na dokazima, te u skladu sa savremenim smjernicama relevantnih domaćih, međunarodnih i evropskih strukovnih udruženja, a uvijek imajući u vidu farmakoterapijsku i farmakoekonomsku opravdanost i dobrobit za pacijenta
- predlaže, razmatra, sugeriše i daje mišljenje Federalnom ministru zdravstva o izmjenama i dopunama liste lijekova;
- razmatra izvještaje zavoda zdravstvenog osiguranja o potrošnji lijekova i predlaže odgovarajuće mjere; prati potrošnju lijekova i medicinskih sredstava i predlaže mjere za racionalnu upotrebu;

- usko saraduje sa svim relevantnim subjektima, a posebno Agencijom za lijekove i medicinska sredstva BiH, ministarstvima zdravstva (Federalnim i Kantonalnim/Županijskim), zavodima zdravstvenog osiguranja, (Federalnim i Kantonalnim/Županijskim), te drugim vladinim organizacijama i ustanovama, kao i drugim strukovnim udruženjima, komorama i komisijama u zajedničkom ostvarenju zacrtanih ciljeva Komisije;
- daje stručna mišljenja kod pripreme propisa koji su od uticaja na razvoj zdravstvene struke, organizira dodatno usavršavanje za proširenje djelatnosti unutar struke, s obzirom na nove dijagnostičko-terapijske metode.

### **Član 52.**

Komisija za postupak verifikacije i certifikacije zdravstvenih ustanova i zdravstvenih radnika, obavlja slijedeće poslove:

- daje mišljenje u postupku dodjele naziva referalni centar zdravstvenoj ili dijelu ustanove;
- daje mišljenje o opravdanosti osnivanja, proširenja ili promjene zdravstvene djelatnosti u zdravstvenoj ustanovi koja obavlja tercijarni nivo zdravstvene zaštite i za čije donošenje rješenja o ispunjenosti uslova je nadležan federalni ministar, odnosno mišljenje o opravdanosti osnivanja, proširenja ili promjene univerzitetsko-kliničke bolnice i federalnog zavoda, i to sa aspekta zaštite i očuvanja profesije doktor medicine;
- prema utvrđenom načinu i uslovima za upravljanje novim zdravstvenim tehnologijama ove Komore, certifikuje zdravstvene radnike za upravljanje istim;
- obavlja i druge poslove određene Statutom i drugim aktima Komore.

## **VII UTVRĐIVANJE ZAJEDNIČKIH KRITERIJA ZA POSTUPAK IZDAVANJA, OBNAVLJANJA I ODUZIMANJA ODOBRENJA - LICENCI ZA SAMOSTALAN RAD LJEKARA/LIJEČNIKA**

### **1. Izdavanje odobrenja**

#### **Član 53.**

Federalna Komora utvrđuje zajedničke kriterije na osnovu kojih Komore članice izdaju, obnavljaju i oduzimaju odobrenje za samostalan rad – licence.

Odobrenje za samostalan rad – licenca je javna isprava kojom ljekar/liječnik stiče pravo da samostalno obavlja poslove i zadatke svog stručnog zvanja .

Federalna komora ljekara/liječnika će posebnim Pravilnikom o kriterijima za licenciranje (izdavanje, obnavljanje i oduzimanje licence) utvrditi zajedničke kriterije za sve članice Komore.

**Član 54.**

Ljekari/liječnici su obavezni da u roku od 30 dana od dana položenog stručnog ispita podnesu kantonalnoj/županijskoj Komori na čijem području nadležnosti imaju prebivalište zahtjev za izdavanje odobrenja za samostalan rad.

Uz zahtjev se prilaže: diploma medicinskog fakulteta, uvjerenje o položenom stručnom ispitu, uvjerenje o državljanstvu, lična karta i potvrda o prebivalištu.

**Obnavljanje odobrenja****Član 55.**

Odobrenja za rad se obnavljaju u skladu sa Pravilnikom o stručnom usavršavanju članova Kantonalne Komore, a isti su usaglašeni sa zajedničkim sadržajem stručnog usavršavanja, rokovima i postupcima provjere stručnosti, utvrđenim od strane Federalne Komore.

**Oduzimanje odobrenja****Član 56.**

Komora oduzima članu Komore odobrenje za samostalan rad u sljedećim slučajevima:

- ako Sud Komore odredi oduzimanje odobrenja za samostalan rad kao najstrožu kaznu zbog kršenja etičkih principa struke;
- ako član Komore obavlja poslove zdravstvene zaštite izvan punog radnog vremena suprotno odredbama Zakona o zdravstvenoj zaštiti.

Rješenje o oduzimanju odobrenja za samostalan rad ljekara/liječnika se obavezno dostavlja nadležnom kantonalnom ministarstvu zdravstva.

**VIII - ZAŠTITA PRAVA ČLANOVA****Član 57.**

Sve odluke, odnosno rješenja o ostvarivanju prava, obaveza i odgovornosti članova obavezno se u pismenom obliku dostavljaju članovima s poukom o pravnom lijeku.

**Član 58.**

*Protiv svih odluka organa Komore i rješenja predsjednika Komore, izuzev odluka Suda Komore, član Komore ima pravo u roku od 15 dana od dana uručenja odluke odnosno rješenja, podnijeti žalbu Upravnom odboru čija odluka je konačna i ne odlaže izvršenje.*

*Odluke po žalbi imaju se donijeti u roku od 30 dana od dana podnošenja žalbe.*

**Sud Komore****Član 59.**

Sud Komore je nezavisni organ Komore koji odlučuje o povredama dužnosti i ugleda ljekarskog/liječničkog zvanja u skladu sa Kodeksom medicinske etike i deontologije,

Pravilnikom o disciplinskoj odgovornosti ljekara/liječnika, ovim Statutom te akata donešenih na osnovu Statuta.

Sud Ljekarske/Liječničke komore F BiH radi kao drugostepeni/drugostupanjski sud u postupajućim predmetima nakon presuda/odluka kantonalnih komora.

*Sud ima predsjednika i 9 članova koje imenuje i razrješava Skupština na prijedlog Upravnog odbora.*

Odluka Suda je konačna.

Sud radi u skladu sa Pravilnikom o disciplinskoj odgovornosti ljekara/liječnika kojeg donosi Skupština.

*Kantonalne/županijske komore rade u skladu sa Pravilnikom o disciplinskoj odgovornosti ljekara/liječnika u prvostepenom disciplinskom postupku kojeg donosi Skupština.*

## **Tužilac Komore**

### **Član 60.**

Tužilac Komore je nezavisni organ Komore koji po službenoj dužnosti i zahtjevu predlaže pokretanje postupka protiv članova Komore zbog povrede dužnosti i ugleda ljekarskog/liječničkog zvanja, u skladu sa Kodeksom medicinske etike i deontologije, Pravilnikom o disciplinskoj odgovornosti ljekara/liječnika, ovog Statuta te akata donešenih na osnovu Statuta.

Tužilac Komore ima dva zamjenika.

Tužitelja Komore i njegove zamjenike bira i razrješava Skupština, na prijedlog Upravnog odbora.

Tužilac Komore radi u skladu sa Pravilnikom o disciplinskoj odgovornosti ljekara/liječnika.

## **IX OBLIK I SADRŽAJ PEČATA I ZNAKA**

### **Član 61.**

Komora ima pečat okruglog oblika, promjera 40 mm, koji uz rub u gornjem polukrugu sadrži latiničnim pismom upisan naziv Komora i to: Ljekarska komora Federacije Bosne i Hercegovine, te u donjem polukrugu upisan naziv na engleskom jeziku i to: Medical Chambers of Federation of Bosnia and Herzegovina, a u sredini je upisan skraćeni nazivi: LJKFBiH.

Štambilj je pravougaonog oblika dimenzija 40x30 mm i sadrži puni naziv komore na bosanskom/hrvatskom jeziku, oznaku za djelovodni broj i oznaku za datum.

Izvršni odbor svojom odlukom određuje broj pečata i štambilja, te osobe koje su ovlaštene za njihovo korištenje i čuvanje.

### **Član 62.**

Komora može imati svoj znak (logo), a njegov izgled i način upotrebe utvrđuje se odlukom Upravnog odbora.

## X SREDSTVA KOMORE

### Član 63.

Sredstva komore čine:

- članarina kantonalnih komora;
- dobrovoljni prilozi i pokloni od fizičkih i pravnih lica i drugi vidovi podrške;
- naplaćivanja usluga Federalne komore koje definiše *Upravni odbor*;
- sredstva iz budžeta Federacije BiH (član 221. Zakona o zdravstvenoj zaštiti F BiH);
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prodaje prava publikacija i drugih intelektualnih usluga koji su u ingerenciji Komore;
- drugi prihodi stečeni u skladu sa Zakonom i Statutom.

### Član 64.

Odlukom Skupštine, u okviru godišnjeg finansijskog plana Komore, utvrđuju se visina članarine u fiksnom iznosu u zavisnosti od broja registrovanih članova svake pojedine članice, te način i rok uplate.

Kantonalne/Županijske komore (članice) koje nisu izmirile sve svoje finansijske obaveze (članarine) prema Federalnoj komori ne mogu slati svoje delegate u Skupštinu Federalne komore, niti učestvovati u radu iste dok ne izmire te svoje obaveze (u skladu sa brojem svog članstva).

## XI NAČIN DONOŠENJA FINANSIJSKOG I IZVJEŠTAJA O RADU

### Član 65.

Skupština, na prijedlog *Upravnog* odbora, na početku svake poslovne godine donosi godišnji plan rada i finansijski plan Komore sa planom prihoda i rashoda po vrstama.

Skupština, na prijedlog *Upravnog* odbora, po završetku poslovne godine usvaja Izvještaj o radu i Izvještaj o finansijskom poslovanju za proteklu godinu, te donosi odluke o rasporedu dobiti ili pokrivanju gubitka.

### Član 66.

Komora je dužna voditi poslovne knjige u skladu sa odgovarajućim računovodstvenim standardima i sačinjavati finansijske izvještaje, saglasno važećim propisima.

Pravilnikom o finansijskom poslovanju, kojeg donosi **Skupština Komore**, bliže se uređuje način i uslovi finansijskog poslovanja komore.

### Član 67.

Predsjednik i članovi *Upravnog* odbora dužni su osigurati da se sve finansijske transakcije komore zaključuju i izvršavaju po pravičnim tržišnim vrijednostima, odnosno pod uvjetima najpovoljnijim za komoru, te da upravljaju imovinom komore sa pažnjom dobrog domaćina, odnosno sa pažnjom dobrog privrednika.

Bez prethodne saglasnosti *Upravnog* odbora predsjednik komore niti član *Upravnog* odbora ne može odlučivati, niti postupati u ime i za račun komore u poslovima u kojima je druga strana direktno ili indirektno on sam, član njegovog porodičnog domaćinstva ili drugi njegov srodnik do trećeg stepena.

**Član 68.**

Članstvo u Komori je obavezno za sve ljekare u skladu sa Zakonom o zdravstvenoj zaštiti Federacije BiH (Sl.novine 46/2010).

**Član 69.**

U Komori se vodi registar članica i njihovih delegata i predstavnika kojima se izdaje iskaznica.

*Upravni* odbor odlučuje o obliku i sadržaju registra i načinu njegova vođenja, kao i obliku i sadržaju iskaznice.

**Član 70.**

*Ljekarska/ liječnička komora FBIH snosi putne i druge troškove rada delegata u Skupštini, kao i rada u svim organima i tijelima Federalne Komore.*

**XII JAVNOST RADA****Član 71.**

Rad Komore i njenih organa je javan.

Javnost rada ostvaruje se redovnim informisanjem Članica Komore i javnosti o radu Komore i njenih organa preko njenih poslanika i delegata ili objavom saopćenja u medijima.

Članice Komore imaju pravo da budu redovno i potpuno informisane o radu organa i provođenju ciljeva i aktivnosti.

Za redovno i potpuno informisanje članica odgovorni su predsjednik Skupštine, predsjednik Komore, *Upravni* i Nadzorni odbor, svako u okviru svojih nadležnosti.

**XIII SARADNJA****Član 72.**

Radi ostvarivanja svojih statutarnih ciljeva i djelatnosti, Komora može saradivati sa sličnim udruženjima i organizacijama u zemlji i inostranstvu, kao i međunarodnim udruženjima i organizacijama, o čemu odluku donosi *Upravni* odbor.

Komora može pristupiti u članstvo domaćim, stranim ili međunarodnim udruženjima i organizacijama, koje obavljaju istu ili sličnu djelatnost, o čemu odluku donosi Skupština.

**XIV IZMJENE I DOPUNE STATUTA****Član 73.**

Prijedlog za izmjene i dopune Statuta može dati *Upravni* odbor ili jedna trećina (1/3) ukupnog broja delegata u Skupštini.

Odluku o izmjenama i dopunama ovog Statuta donosi Skupština u skladu sa članom 15. stav 3. Statuta.

**Član 74.**

Odluku o prestanku rada, kao i odluku o pripajanju, razdvajanju ili transformaciji na obrazloženi prijedlog *Upravnog* odbora, donosi Skupština dvotrećinskom (2/3) većinom prisutnih delegata Skupštine.

## 74.a

**Osim ovog Statuta, kao temeljnog akta, Komora je donijela i slijedeće akte:**

- Kodeks medicinske etike i deontologije;
- Pravilnik o utvrđivanju zajedničkih kriterija za licenciranje članova LJ/LKFBiH i članova kantonalnih/županijskih ljekarskih/liječničkih komora;
- Pravilnik o sadržaju i izgledu registra licenciranih članova LJ/LKFBiH i članova kantonalnih/županijskih ljekarskih/liječničkih komora;
- Pravilnik o zajedničkim kriterijima i postupcima stručnog usavršavanja ljekara/liječnika u F BiH;
- Poslovnik o radu Upravnog odbora Ljekarske/Liječničke komore FBiH;
- Pravilnik o drugostepenom disciplinskom postupku pred Ljekarskom/Liječničkom komorom F BiH;
- Pravilnik o radu komisija Ljekarske/Liječničke komore F BiH;
- Pravilnik o obliku i izgledu pečata doktora medicine;
- Pravilnik o načinu, postupku i uvjetima, kao i drugim pitanjima od značaja za organiziranje i obavljanje dopunskog rada ljekara u zdravstvenoj ustanovi ili privatnoj praksi.

**RASPODJELA IMOVINE****Član 75.**

Skupština donosi plan likvidacije kojim se utvrđuje raspored imovine, prava i obaveze komore, u skladu sa statutom i zakonom.

Skupština imenuje likvidatora, koji se stara o planu likvidacije i koji je ovlašten da zastupa komoru u postupku likvidacije i u podnošenju prijave prestanka rada komore pred nadležnim organima.

U postupku likvidacije iz imovine Komore izmiruju se sve zakonske i ugovorne obaveze, a eventualno preostala imovina se odlukom Skupštine se raspoređuje članicama Komore srazmjerno njihovom učešću u finansiranju rada Komore po osnovu članarina.

**XVI PRELAZNE I ZAVRŠNE ODREDBE****Član 76.**

Statut stupa na snagu danom donošenja na Osnivačkoj Skupštini, a primjenjivat će se od dana upisa Komore kod nadležnog Suda.

broj: 01-07/12  
datum: 14.04.2012. godine  
mjesto: Zenica

**PREDSJEDNIK SKUPŠTINE**

**mr. sc. Hidajet Rahimić, dr. med. prim.**

**Član 77.**

Izmjene i dopune Statuta usvojene na Skupštini dana 22.04.2017. godine stupaju na snagu danom donošenja od kada će se i primjenjivati.

Prečišćen tekst Statuta objavljen je na web stranici komore [www.fmcbih.ba](http://www.fmcbih.ba).

broj: 01-45/17

datum: 22.04.2017. godine

mjesto: Zenica

**PREDSJEDNIK SKUPŠTINE**

**mr.sc. Hidajet Rahimić, dr.med.prim.**

**Član 78.**

Izmjene i dopune Statuta usvojene na Skupštini dana 27.04.2019. godine stupaju na snagu danom donošenja od kada će se i primjenjivati.

Prečišćen tekst Statuta objavljen je na web stranici Komore [www.fmcbih.ba](http://www.fmcbih.ba).

Broj: 01-51/19

Datum: 27.04.2019. godine

Mjesto: Zenica

**PREDSJEDNIK SKUPŠTINE**

**Mr.sc. Hidajet Rahimić, dr.med.prim.**

**Član 79.**

Izmjene Statuta usvojene na Izornoj Skupštini dana 10.10.2020. godine stupaju na snagu danom donošenja od kada će se i primjenjivati.

Prečišćen tekst Statuta objavljen je na web stranici Komore [www.fmcbih.ba](http://www.fmcbih.ba).

Broj: 01-96/20

Datum: 12.10.2020. godine

Mjesto: Zenica

**PREDSJEDNIK SKUPŠTINE**

**Dr. Amer Iglica**

**Član 80.**

Izmjene Statuta usvojene na Skupštini dana 16.10.2021. godine stupaju na snagu danom donošenja od kada će se i primjenjivati.

Prečišćen tekst Statuta objavljen je na web stranici Komore [www.fmcbih.ba](http://www.fmcbih.ba).

Broj: 01-276/21

Datum: 16.10.2021. godine

Mjesto: Tuzla

**PREDSJEDNIK SKUPŠTINE**

**Dr. Amer Iglica**

**Član 81.**

Skupština Ljekarske/Liječničke komore F BiH je na sjednici održanoj dana 02.12.2023. godine donijela Odluku o izmjenama i dopunama Statuta Ljekarske/Liječničke komore F BiH br. 01-215/23 od 02.12.2023. godine koja stupa na snagu danom donošenja od kada će se i primjenjivati.

Prečišćen tekst Statuta objavljen je na web stranici Komore [www.fmcbih.ba](http://www.fmcbih.ba).

Tuzla, 02.12.2023. godine

Broj: 01-215/23

Predsjednik Skupštine

**dr. Amra Salkić**

**Član 82.**

Skupština Ljekarske/Liječničke komore F BiH je na sjednici održanoj dana 27.05.2024. godine donijela Odluku o izmjenama i dopunama Statuta Ljekarske/Liječničke komore F BiH br. 01-123/24 od 27.05.2024. godine koja stupa na snagu osmog dana od dana objavljivanja na službenoj internet stranici Komore [www.fmcbih.ba](http://www.fmcbih.ba).

Započeti postupci koji su na dan stupanja na snagu ove Odluke o izmjenama i dopunama Statuta Ljekarske/Liječničke komore Federacije Bosne i Hercegovine u toku pred tijelima Ljekarske/Liječničke komore FBiH, nastaviti će se i dovršiti u skladu s odredbama ovog Statuta odnosno navedene Odluke o izmjenama i dopunama Statuta.

Tuzla, 27.05.2024. godine  
Broj: 01-123/24

Predsjednik Skupštine  
dr. Amra Salkić

**Član 83.**

Skupština Ljekarske/Liječničke komore F BiH je na sjednici održanoj dana 08.11.2024. godine, te na elektronskoj sjednici održanoj dana 13.11.2024. godine, donijela Odluku o izmjenama i dopunama Statuta Ljekarske/Liječničke komore F BiH br. 01-190/24 od 13.11.2024. godine koja stupa na snagu osmog dana od dana objavljivanja na službenoj internet stranici Komore [www.fmcbih.ba](http://www.fmcbih.ba).

Tuzla, novembar 2024. godine  
Broj: 01-191/24

Predsjednik Skupštine  
prof.dr.sc. Renata Hodžić, dr.med.

**Član 84.**

Skupština Ljekarske/Liječničke komore F BiH je na sjednici održanoj dana 15.11.2025. godine, donijela Odluku o izmjenama i dopunama Statuta Ljekarske/Liječničke komore F BiH br. 01-120/25 od 15.11.2025. godine koja stupa na snagu osmog dana od dana objavljivanja na web stranici Ljekarske/Liječničke komore FBiH [www.fmcbih.ba](http://www.fmcbih.ba).

Sarajevo, 15.11.2025. godine  
Broj: 01-126/25

potpredsjednik Skupštine  
dr. Damir Baždarević



**SADRŽAJ:****I OPŠTE ODREDBE****II NAZIV I SJEDIŠTE****III CILJEVI****IV NADLEŽNOSTI KOMORE****V ZASTUPANJE I PREDSTAVLJANJE****VI ORGANI KOMORE**

Skupština

Izvršni odbor

Predsjednik i zamjenici predsjednika komore

Nadzorni odbor

Zapisnici

Komisije

**VII UTVRĐIVANJE ZAJEDNIČKIH KRITERIJA ZA POSTUPAK IZDAVANJA, OBNAVLJANJA I ODUZIMANJA ODOBRENJA - LICENCI ZA SAMOSTALAN RAD LJEKARA/LIJEČNIKA****VIII - ZAŠTITA PRAVA ČLANOVA****IX OBLIK I SADRŽAJ PEČATA I ZNAKA****X SREDSTVA KOMORE****XI NAČIN DONOŠENJA FINANSIJSKOG I IZVJEŠTAJA O RADU****XII JAVNOST RADA****XIII SARADNJA****XIV IZMJENE I DOPUNE STATUTA****XV RASPODJELA IMOVINE****XVI PRELAZNE I ZAVRŠNE ODREDBE**